

Uunga pillugu siunnersuut: Naalackersuisut Namminersorlutik Oqartussat aktiaateqarluni ingerlatseqatigiiffiutaanni akissarsiaqartitsisarnermut politikkiat

Inatsisartut Naalackersuisullu pillugit Inatsisartut inatsisaat § 23. imm. 1 naapertorlugu ima aalajangersaasoqarpoq:

Atuuffissaa

§ 1. Kaajallaasitaq manna Namminersorlutik Oqartussat aktianik ingerlatseqatigiiffiutaanni akissarsiaqartitsisarnermut politikkimut atuupput.

Akissarsiassanik inassuteqarnerit akuersissuteqarnerillu

§ 2. Namminersorlutik Oqartussat ingerlatseqatigiiffinni pigisaanni akissarsiat qaffasisissusiat Naalackersuisunit aalajangersarneqartarput Naalackersuisullu Siulittaasuata Naalackersuisoqarfiani Ingerlatseqatigiiffinnut Allattoqarfimmit aqutsivigineqartarlutik.
Imm. 2. Akissarsiat qaffasisissusiat tamakkunungalu allannguutit ingerlatseqatigiiffimmi ukiumoortumik ataatsimeersuarnermi saqqummiunneqassapput akuerineqarlutillu, tamatuma kingorna tamakku piaarnerpaamik tamanut saqqummiunneqassapput.

Politikini akissarsiassat amerlassusissaat aalajangersarneqarput

§ 3. Aktianik ingerlatseqatigiiffinni Namminersorlutik Oqartussat pigisaanni akissarsiat qaffasisusiisa ilaasortat inuussutissarsiutugalugu ilaasortaasut aamma piginnaasallit tigummiinnarneqarnissaat qulakkiissavaat aammalu piginnaasanik nutaanik ingerlatseqatigiiffinni siulersuisuini pisariaqartinneqartunik sulisussarsiornissamut tunngavissiisuussallutik. Taamatutaaq akissarsiat kajumissuseqarnissamut siunissamik ungasinnerusumi aktianik ingerlatseqatigiiffinni Namminersorlutik Oqartussat pigisaanni naleqarnerulersitsinissaq qulakkiissavaat.

Imm. 2. Akissarsiat qaffasisissusiat siulersuisut akisussaaffiini, piginnaasaanni aamma piffissamik atuineranni takussuserneqassasut, taamaaliornikkut akissarsiat qaffasisissusiat naammaginarloq unammillersinnaasorlu pigiinnarneqarsinnaammat. Taamaatorli akissarsiat qaffasisissusiat akissarsiassanut tunngaviunani Taamatutaaq suliat amerlinerat aamma siulittaasup taassumalu tulliaata suliaqarnerulernissaat akissarsiani takussutissaassapput.

Imm. 3. Siulersuisunut akissarsiat suliat sugaluartulluunniit nalinginnaanerat aamma suliat annertussusiat sinnernagit kiisalu ingerlatseqatigiiffimmi aningaasatigut inissisimaneq sinnerlugu amerlassuseqassanngillat.

Imm. 4. Akissarsiat qaffasisusiat ingerlatseqatigiiffinni allani assersuuffigineqarsinnaasuni qaffasisutsit naapertorlugit nalimmassarneqassapput, taamaaliornikkut akissarsiat qaffasisusiat suliffeqarfinni qaffasinnerpaajunnaarlugit.

Imm. 5. Akissarsiat qaffasisusiat Kalaallit Nunaanni Naatsorsueqqissaartarfiup kisitsisaa akinut iluarsiiisutaasortoq nioqqutissanut sullississutinullu tamanut

atuuttoq malillugu ukiut tallimakkaarlugit iluarsisuteqarfigineqartassapput, siullermik ulloq 1. januar 2021

Immikkut ittunik akissarsitinneqartarneq

§ 4. Immikkut ittunik pisoqartillugu aktianik ingerlatseqatigiiffinni Namminersorlutik Oqartussat pigisaanni siulersuisunut ilaasortanut akissarsiaritinneqartartut aalajangersimasut saniatigut ataasiaannartumik akissarsisitsisoqarsinnaavoq. Tamanna pinngitsoorani suleriaatsit pillugit allaaserisaq malillugu aamma ingerlatseqatigiiffiup akissarsiat pillugit politikiani imaluunniit ingerlatseqatigiiffiup ukiumoortumik nalunaarusiaani ersarissumik paatsuugassaannngitsumillu allassimassaaq. Siulersuisut immikkut ittunik ataasiaannartumillu akissarsisitsisarnissaq pillugu aalajangiisassapput.

Stk. 2. Immikkut ittunik pisut imatut paasineqassapput; ingerlatseqatigiiffiup siunissami ungasinnerusumi imminullu nammassinnaanerusumik imaluunniit atajuaannarnissaanik pisariaqartitsineq pillugu politikimit illikartoqarsinnaasoq, aktianik piginneqataassutillit pisinnaatitaaffii pillugit peqqussutit takukkit.

Nassuiaaneq akissarsianillu aalajangersaaneq

§ 5. Kaajallaasitami matumani politikkit tunngavigalugit aktianik ingerlatseqatigiiffinni Namminersorlutik Oqartussat pigisaanni ataasiakkaani akissarsiat pillugit Naalackersuisut nassuiaasiorput.

Imm. 2. Naalackersuisut nittartagaanni nassuiaat tamanut saqqummiunneqarpoq.

Ukiumoortumik nalunaarusiami akissarsiat pillugit paasisutissat

§ 6. Ukiumoortumik nalunaarummi maannakkut siulersuisuusut aamma siulersuusimasut akissarsiaat tamaasa ingerlatseqatigiiffiit Namminersorlutik Oqartussanit pigineqartut tamarmik nalunaarutigissavaat.

Imm. 2. Ukiumoortumik nalunaarusiaq ingerlatseqatigiiffiup nittartagaani takuneqarsinnaassaaq.

Atuutilersinneqarnera ikaarsaarnissamilu aalajangersakkat

§ 7. Kaajallaasitaq ulloq 1. januar 2021 atuutilissaaq.

Imm. 2. Kaajallaasitaq manna kaajallaassitap atuutilernerata aalajangiiffigineqareerneratigut akissarsianut atuutilissaaq.

Aktianik ingerlatseqatigiiffinni 12. november 2020-mi akissarsiat pillugit takussutissiaq takuuk

Ingerlatseqatigiiffik	Siulittaasoq	Siulittaasup tullia	Ilaasortaq
Royal Greenland	500.000	300.000	200.000
Kalaallit Airports	650.000	300.000	200.000
KNI	350.000	175.000	125.000
Air Greenland	350.000	175.000	125.000
Royal Arctic Line	350.000	175.000	125.000
Tele Greenland	350.000	175.000	125.000
INI	350.000	175.000	125.000
Greenland Holding	350.000	175.000	125.000
Sikuki Nuuk Harbour	150.000	75.000	50.000
NunaOil	150.000	75.000	50.000
Greenland Oil Spill Response	150.000	75.000	50.000
Visit Greenland	150.000	75.000	50.000
Great Greenland	150.000	75.000	50.000
Illuut	150.000	75.000	50.000